

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

Quomodò consolandi suntij. qui rebus aduersis animo deiecti sunt. Cap.
XXII.

[urn:nbn:de:hbz:466:1-69050](#)

92 DE RHETORICA ECCLES.

postquam is, qui solus delet iniquitates, Deus culpam sacramento pœnitentia nobis remiserit, dispensator honorum, Ecclesia administrator, Christi vicarius Romanus Pontifex pœnas etiam remittat, ex meritis preciosissimi sanguinis Christi, cuius una gutta sufficeret ad redimendos omnes, qui fuerunt, qui sunt, & qui futuri sunt homines; ex meritis itidem B. Mariae virginis, sanctorum omnium, precibus fidelium, ut pena, qua digni eramus, liberemur, misericordiae & indulgentiae diuinæ participes efficiamur. Verum tanto beneficio addendum est, neminem posse gaudere, qui sanctissimo pœnitentia sacramento à Deo peccatorum suorum veniam non impetraverit; qui vitam, ut D. Augustinus scripsit, non mutauerit, ut vitam acciperet Sanctissimam Eucharistiam.

Quomodo consolandi sunt iij, qui rebus aduersis animo deiecti sunt.

Cap. XXII.

CV M multis & varijs periculis hominū vita sit exposita, & multa quotidiè accident, quibus, quæ natura humana est infirmitas, maximè perturbamur; idè infirmum, nè dic am miserum, animal homo, sèpè consolatione maximè indiget. quam nobis sic liceat describere: dolorum et solitudinum moderationem à recto iudicio, & à spe diuinæ prouidentia, & paternæ ipsius gubernationis profeciam: cuius toius consolationis, cùm sit Deus idem, qui est pater misericordiarum, excitandus est populus, ut è cælo consolationem in rebus aduersis petat & expectet, ad quam orator Ecclesiasticus populum ita posterit

terit excitare, exemplo illorum, qui ex tribulationibus in primis maximam utilitatem ceperunt, ut Ioseph, qui in exilio, et in terra paupertatis sua, ad eum dignitatis gradū peruenit, ut vniuersa Aegypto p̄ficeretur: filij Israēl, quanto magis ab Aegyptijs opprimebantur, tanto magis multiplicabantur, & crescebant: exul Ezechiel in Chaldaea, in medio captiuorū vidi admirabiles Dei visiones: Nabuchodonosor rex in rerum prosperitate arrogans & superbus, ab hominibus eiusdem fuit, & in bestiā commutatus, tandem sensum, quem amiserat, recuperauit; quia, quem prius blasphemauerat Deum, laudauit. quibus, & plurimis alijs exemplis ostendere poterit orator, rebus aduersis affligi & tentari homines, aut, ut eorū virtus, tanquam aurū in fornace probetur, atq; exerceatur; aut, ut eorum peccata expientur. Tribulationes & temptationes, dicat orator (utimur his & quibusdā alijs nominibus in Ecclesia visitatis, quia oratorem Ecclesiasticū informare studemus) erudire homines, ad multas virtutes, ad humilitatem, ad patientiā, & in primis ad prudentiam: Deum bac ratione reprimere illos, qui rebus secundis insolentes fiunt: tribulationem esse paedagogum ad timorem Dei, esse expultricem contumeliae, incontinentiae, vanitatis: verissimas esse illas sententias: Cum ipso sum in tribulacione, eripiam eum, & glorificabo eum: et, Iuxta est Dominus ijs, qui tribulato sunt corde: nullum esse malum, ex quo elici non possit bonum. quod docens S. Chrysostomus, in quodam sermone inquit: Passus es malum? si vis, non est malum; gratias age Deo, & est bonum. quod praeclarè cognouerat vir ille diuino numine afflatus, qui in maxmis tribulationibus constitutus, dicebat: Per singulos

H 5

dies

dies benedic am te, & laudabo nomen tuum in seculum,
& in seculum seculi. addat mala, quæ nobis accidunt,
plerumq; nobis accidere propter peccata, quod S. Grego-
rius Nazianzenus in oratione de plaga grandinis, affir-
mare visus est; cum præclarissima peccatorum enumera-
tione, ostendit grandinem diuino consilio è cælo cecidisse.
cuius aliquas sententias, quibusdam mutatis, quibusdam
etiam additis, commemorans Ecclesiasticus orator dice-
re poterit: omnes calamitates oriri, quia alius pauperem
oppressit, terraq; partem occupauit, alius limites suos sce-
lerate, vel fraude, vel vi extendens domum domui, &
agrum agro adiunxit: vt vicino aliquid extorqueret, &
hoc maximè studuit, vt vicinum nullum haberet; perinde
ac si solus esset habitatus in terra, quia alius usurpauit,
colligens ubi non seminauit, ac metens, ubi
non sparsit: non ex cultura, sed ex pauperum egestate &
penuria dinitias suas auxit: quia alius decimis Deo de-
bitis, eundem cæli & terræ principem defraudauit, imme-
mor maximorum, quæ accepit, beneficiorum: quia alius
nec vidua, nec orphani calamitatibus commotus, nec pa-
nem, cibumq; exiguum pauperi, immò Christo dedit: quia
aliu humiles contempst, alius monentem odio habuit, alijs
obliti eorum verborum: Benedictus Dominus, quoniam
diuites facti sumus: opes industriae sue, Deo acceptas non
retulerunt: alijs frumentum mercati, sordidum quæstum
ex eius caritate captantes, illæ verba proferunt: quando
effluet mensis, vt rerum precia augeamus, & thesauros
recludamus? indè calamitates, diuina exigente iustitia,
occuruntur: ideo grandines de cælo cadunt, ideo terræ mo-
tus vastant ciuitates, & horribiles fluuiorum inundatio-
nes,

nes, ideo fame, peste, bello, saeuissimisq; tyrannis, tāquām instrumentis, vtitur Deus, ad cōuertendum populū suum: sed valdē deplorādum est, quod sicut eodem igne aurum rutilat, palea fumat; itā vna eadem afflictionum vis, mul totos quidem ad praeclarissimas virtutes exercet, sed plerosq; damnat, perdit, exterminat: quoniam omnes suas cogitationes & spes, cūm in rebus hisce fluxis & caducis, non in Deo, fixas & locatas habeant, diuinam voluntatem non agnoscunt, & amore proprio decepti, ignorant multo melius esseprobari et tentari; quām non tentari & reprobari. Quarē tractet orator, nō esse miserum corripi à Domino, plagis affici à patre, cūm ipse dixerit: Quos amo, corrigo & castigo. cumq; ipse fidelis Deus, non patiatur nos tentari supra id, quod possumus, sed miserrimum esse, plagi cœlestis patris non fieri meliorem.

Quomodo excitandi sint auditores ad spem.

Cap. XXIII.

SPES est expectatio boni, ad quam excitat Christianos homines, Dei bonitas, Christi paſſio, & multorum martyrum beatæ mortes, quibus ad vitam peruerunt aeternam. Pulcherrimus est locus B. Gregorij Nazianzeni, qui Ioēliū sententiam proferens, Quis scit, si conuertatur Dominus, et benedictionem relinquat? ipse subiungit: Ego planè scio, & sum diuinæ misericordiæ sponsor. cūm enim ira diuinæ naturæ aduersetur, sine dubio, si voluerimus, ad virtutem, eius naturæ maximè propriam, ad misericordiā conuertetur. In solēnitatibus autem, in primis ad spem Ecclesiasticus orator excitare poterit, vt san-
ctissimo